



MEMORIA XUSTIFICATIVA E ECONÓMICA PARA A TRAMITACIÓN DO ACORDO DE COLABORACIÓN ENTRE A CONSELLERÍA DE MEDIO RURAL E A AXENCIA PARA A MODERNIZACIÓN TECNOLÓXICA DE GALICIA PARA O FINANCIAMENTO E SUSTENTABILIDADE DUNHA APLICACIÓN DE MOBILIDADE PARA O SISTEMA DE XESTIÓN INTEGRAL DA BIOMASA NAS FAIXAS SECUNDARIAS

(1) A Dirección Xeral de Defensa do Monte da Consellería do Medio Rural é o órgano da Administración autonómica que ten atribuído o exercicio das competencias en materia de prevención de incendios forestais.

No mencionado ámbito material, constitúe un dos obxectivos establecer as pautas que se seguirán na colaboración entre a Consellería de Medio Rural e a Axencia para a Modernización Tecnolóxica de Galicia para a realización do proxecto de desenvolvemento, posta en funcionamento e soporte dunha aplicación en mobilidade multiplataforma asociada ao sistema de xestión integral de biomasa nas faixas secundarias.

(2) Antecedentes: O día 9 de agosto de 2018, a Xunta de Galicia, a FEGAMP e SEAGA asinaron un convenio de colaboración en materia de prevención e defensa contra incendios forestais, para o establecemento dun sistema público de xestión da biomasa nas faixas secundarias.

O devandito convenio foi publicado no DOG por Orde da Consellería do Medio Rural de data 9 de agosto de 2018 (DOG Núm. 156 de data 17 de agosto de 2018).

O seu obxecto é instrumentar a cooperación da Administración Xeral da Comunidade Autónoma de Galicia, a través da Consellería do Medio Rural, Seaga, e a Fegamp, cos concellos que voluntariamente se adhiran ao convenio mediante o establecemento dun sistema público de xestión da biomasa nas redes de faixas secundarias de xestión da biomasa e ten por fin garantir a prevención de incendios forestais, de modo que se acade a diminución do número de incendios forestais nas zonas da interface urbana garantindo así o interese público da seguridade de persoas e de bens.

O desenvolvemento da aplicación en mobilidade contéplase no apartado 2 da cláusula Quinta bis do citado convenio de colaboración suscrito entre a Xunta de Galicia a Fegamp e Seaga en materia de prevención e defensa contra incendios forestais, para o establecemento dun sistema público de xestión da biomasa nas faixas secundarias, modificado polas súas addendas primeira e segunda.

Segundo o establecido na devandita cláusula Quinta bis, para axilizar os procesos de rexistro da información asociada ao traballo de campo na base de datos asociada a XESBIO desenvolverase unha ferramenta en mobilidade (app). Esta app tamén permitirá





a consulta da base de datos de XESBIO (tanto de información xeográfica como histórica) para o apoio das tarefas a realizar *in itinere*.

A execución desta ferramenta en mobilidade levarase a cabo pola Axencia para a Modernización Tecnolóxica de Galicia (en diante Amtega) mediante a sinatura do correspondente acordo de colaboración con esta Consellería.

(3) Finalidade: Para os efectos sinalados, tense previsto formalizar coa Amtega o acordo arriba referido por un período de vixencia que abrangue dende a data de sinatura do acordo ata o 30 de novembro de 2022.

(4) O acordo ten por obxecto desenvolver unha aplicación en mobilidade asociada ao sistema de xestión integral de biomasa nas faixas secundarias. Esta aplicación en mobilidade busca ser unha ferramenta que axilice o traballo de campo que realizan diferentes persoas usuarias no marco dos procesos que permiten a xestión das redes secundarias de faixas de xestión da biomasa.

Así mesmo, este acordo comprende o desenvolvemento, posta en funcionamento e soporte dunha aplicación en mobilidade multiplataforma asociada ao sistema de xestión integral de biomasa nas faixas secundarias capaz de funcionar de forma conectada ou desconectada, e que dará cumprimento as seguintes funcionalidades:

- Consulta de información xeográfica
- Consulta de información a nivel de parcela
- Rexistro de inspeccións
- Rexistro de orzamentos de actuacións asociadas á xestión da biomasa

(5) Financiamento

Na cláusula segunda do acordo a subscribir entre a Consellería do Medio Rural e a Amtega, relativa ao “Financiamento”, establécese un importe de 130.000,00 € repartido nos exercicios 2020, 2021 e 2022 do orzamento da Consellería de Medio Rural, aplicación orzamentaria 14.02.551B.741.14, proxecto 2011-00771 para a execución do devandito proxecto. O reparto por anualidades acordado é o seguinte:

- Anualidade 2020: 10.000,00 €
- Anualidade 2021: 100.000,00 €
- Anualidade 2022: 20.000,00 €





Serán obxecto de retención de crédito segundo a distribución por anualidades que se indica, para a súa posterior baixa, na seguinte aplicación orzamentaria do seu orzamento: 14.02.551B.741.14, proxecto 2011-00771.

Aplicación orzamentaria	Anualidade 2020	Anualidade 2021	Anualidade 2022	Total (IVE incluído)
14.02.551B.741.14	10.000,00 €	100.000,00 €	20.000,00 €	130.000,00 €

Posteriormente á formalización do acordo, remitirase á Dirección Xeral de Planificación e Orzamentos este acordo xunto coa documentación pertinente, para que se leve a cabo a modificación orzamentaria correspondente na aplicación 04.10.571A.732.00 da Secretaría Xeral da Presidencia, con correlativa ampliación de crédito na aplicación 04.A1.571A.626.0, código de proxecto 2014-00005, dos orzamentos da Amtega para as anualidades 2020, 2021 e 2022.

(6) Polo exposto, estímase xustificada a utilización do instrumento do acordo de colaboración para articular as actuacións de referencia, quedando o devandito acordo fora do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para a tramitación deste acordo, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela, na data da sinatura dixital

O director xeral de Defensa do Monte

Tomás Fernández-Couto Juanas

